

Varmadal 25 júní 2021

Ísafjarðarbær
Stjórnsýsluhúsinu, Hafnarstræti 1
400 Ísafirði

Ósk eftir styrk vegna uppbyggingar og reksturs Dellusafnsins.

Með bréfi þessu vil ég óska eftir styrk frá Ísafjarðarbær til uppbyggingar og reksturs Dellusafnsins á Ísafirði.

Dellusafnið er einstakt safn þar sem saman eru komin mörg einkasöfn sem eiga það sameiginlegt að bera eigendum sínum vitni um safnaradelli á háu stigi og hefur það hlotið mikið lof þeirra sem heimsótt hafa. Þar má m.a. sjá smáflöskusafn, vinnuvélamódelasafn, lögregluminjasafn, apasafn, sykurmolasafn, kveikjarasafn og margt margt fleira en jafnframt bætast reglulega ný söfn við. Dellusafnið var stofnað 2011 og var starfrækt á Flateyri til ársins 2018. Það var síðar flutt til Ísafjarðar og opnað þar 2020 í skamman tíma, eða í 5 vikur á meðan menn töldu Covid faraldurinn á niðurleið.

Nú fer hins vegar að birta til á marga vegu og gera má ráð fyrir því að fólk og fyrirtæki fari að ná vopnum sínum á ný. Eigendur Dellusafnsins hafa frá upphafi stefnt að því að safnið geti orðið sjálfbært og að það geti í framtíðinni haldið úti allt að tveimur stöðugildum sumarlangt. Á meðan safnið var staðsett á Flateyri bauð ferðamannastraumur einfaldlega ekki upp á slíkt væri haegt en vonir standa til að staðsetning safnsins á Ísafirði geti snúið rekstrinum til betri vegar. Hins vegar er það langhlaup sem kostar bæði þolinmæði og fjármagn í formi styrkja og því leitum við til ykkar.

Við opnuðum safnið í byrjun júní og verður það opið fram á haust. Áætlaður starfsmannakostnaður er u.p.b. fjórar milljónir að meðreiknaðri sjálboðavinnu eigenda en ráðin verður einn starfsmaður til safnsins í sumar. Við rennum blint í sjóinn með gestafjöldann en vonumst innilega til að nú fari ferðamenn að sjást á götum þorpa og bæja og skemmtiferðaskip við höfn. Miðaverð á safnið verður kr. 1.200- og verður að teljast hófstíllt. Safnið verður opið alla daga frá kl. 13:00 til 17:00 fram til 10 september en einnig verður boðið upp á móttökur fyrir hópa utan hefðbundins opnunartíma og gæti það nýst t.d. við hópeflisferðir starfsmannahópa og vinnustaða.

Það væri Dellusafninu mikils virði ef Ísafjarðarbær sæi sér fært að styrkja þetta menningarstarf sem reynt er að halda úti með rekstri safnsins. Styrktaraðilum safnsins verða gerð skil í afgreiðslu þess og kynningarefni eftir nánara samkomulagi.

Upplýsingar Dellusafnsins:

Kennitala: 660612-0410

Reikningur: 0556-26-1531

Nánari upplýsingar veitir Valdemar í síma 8933067.

Virðingarfyllst

Dellusafnið ehf.

Valdemar S. Jónsson

Valdemar S. Jónsson